

Miroslav Lajčák i Doris Pack: BiH mora ubrzati reforme u 2009. godini



Međunarodna zajednica očekuje od Bosne i Hercegovine da ubrza reforme potrebne za integraciju u EU u 2009. godini, izjavio je visoki predstavnik i specijalni predstavnik EU Miroslav Lajčák tokom sastanka održanog danas u Sarajevu sa predsjedavajućom Delegacije Evropskog parlamenta za odnose sa zemljama jugoistočne Evrope, Doris Pack.

Govoreći o političkoj situaciji u zemlji, Lajčák je naglasio da je tempo reformi bio suviše spor u proteklih nekoliko mjeseci. Ovo se mora promijeniti tokom sljedeće godine kako bi se spriječilo daljnje zaostajanje BiH za njenim susjedima na Zapadnom Balkanu u procesu integracije u EU.

«Političari i parlamentarci moraju usredotočiti svu svoju energiju na program koji se tiče EU. Međutim, ovo će jedino biti moguće ako građani postanu glasniji zagovarači svojih prava, te osiguraju da političari primjenjuju evropske principe i iskustva u rješavanju njihovih najurgentnijih problema kao što su kriminal, korupcija i vladavina zakona, nezaposlenost te bolji obrazovni standardi», izjavio je Lajčák.